

2. JARDUN-ARDATZA - JAKINTZAREN EKONOMIA, BERRIKUNTZA ETA ENPRESA-LEHIAKORTASUNA

2.1. jardun-ildoak - Unibertsitateen, lanbide heziketako ikastetxeen eta berrikuntzaren eremuko beste eragile batzuen arteko lankidetzari bultzada berri bat ematea. “euroeskualde campusa”, jakintzaren ekonomiaren eragile

Helburu orokorra

Euroeskualde Campus bat egituratu beharra. Campus horretan, mugaz gaindiko campus-proiektua izango da Euroeskualdeko lankidetzaren eragile, goi-hezkuntzaren, jakintzaren ekonomiaren eta berrikuntzaren arloan diharduten eragileei dagokienez. Bestalde, lan-ildo honek berrikuntzaren arloan elkarrekin eta lankidetzak handiagoa ekarri behar du unibertsitateen, teknologia-zentroen eta ikerketa-zentroen artean, eta era horretan sistema integratu bat diseinatu behar da, non balio-eskala osoa azalduko den eta elkarrekin lotuta egongo den.



2.1.1 ekintza Sareko Euroeskualdeko unibertsitate-kopurua handitzea, haien arteko lankidetzak indartuz eta egituratuz

Unibertsitate berrien sartzeko delak eta, ekintza honen lehenengo jardura gisa, **Euroeskualdeko Unibertsitateetako Foro Estrategikoa** antolatzea proposatu da. Foro hori topagunea eta elkar ezagutzeko gunea izan behar da, eta komunikaziorako tresna bat.

2.1.2 ekintza Kotutoretzako ikerketa-ekimenak areagotzea eta Jakintzaren eta Berrikuntzaren Euroeskualde Komunitatea garatzea

Jakintza, berrikuntza eta teknologiaren esparruan lankidetzan parte hartzen duten eragileen kopurua handitzen jarraitzea, pixkanaka sartuz Euskampus eta Iberus nazioarteko bikaintasun-campusetan gaur egun ez dauden hiru eskualdeetako teknologia-zentroak eta ikerketa-zentroak.

2.1.3 ekintza Unibertsitateko titulazio bikoitzak garatzen aurrera egitea eta ikasleen nahiz irakasleen Euroeskualdeko mugikortasuna bultzatzea

Euroeskualdeko prestakuntza-eremu komuna garatzeko gakoetako bat da titulazio bikoitzen garapenean aurrera egitea, horrek truke gehiago egitea ahalbidetuko baitu. Horrek funtsezko puntua izan behar du eta horretan oinarritu behar du Euroeskualdeko unibertsitate-lankidetzak

2.1.4 Lankidetzak-dinamika bat bultzatzea Lanbide Heziketaren eremuan

Hitzarmen-marko baten bidez Euroeskualdea osatzen duten hiru eskualdeen lankidetzak-konpromisoak egituratzea Lanbide Heziketaren inguruan.

2.2. jardun-ildoak - I+G+Baren alorreko lankidetza egituratzea hiru eskualdeetako espezializazio adimendunaren estrategietan identifikaturiko sektoreak oinarri hartuta

Helburu orokorra

Lankidetza-dinamika bati bide ematea, Euroeskualdeko teknologiaren eta enpresaren alorreko eragile guztiek parte har dezaten eta baterako proiektuak gara ditzaten dagozkien eskumen-eremuetan.



2.2.1 ekintza Berrikuntzaren alorreko Euroeskualdeko proiektuak egituratzea Euroeskualdeko hiru lurraldeetako sektore estrategikoak oinarri hartuta

Akitania eta Euskadiren arteko lankidetzarako lehentasunezko gisa identifikatu ziren sektore estrategikoak hauek izan ziren:

- **Aeronautika eta garraioa:** sektore aeroespaziala, garraio adimendunaren sistemak eta automobilgintza, mekanika aurreratua, material berriak, eta abar.
- **Osasuna/Bio-osasungintza:** bizitza osasungarriarekin eta zahartze aktiboarekin loturiko produktu eta zerbitzu berritzaileak, eta abar.
- **Nekazaritza eta nekazaritzako elikagaien industria:** nekazaritza-sektorearen zerbitzura (nekazaritzaren eta artzaintzaren eremua, mahastigintzaren eta ardogintzaren eremua, eta abar) egongo den berrikuntzako Euroeskualdeko sare bat sortzea, azken helburua izanik nekazaritzako elikagaien industriari loturiko lankidetza-proiektu berriak abian jartzea, merkataritza-helburuarekin.
- **Eraikuntza jasangarria, zura:** proiektu berritzaileak garatzea basoen, zuraren, eraikuntzaren, zuntzaren eta kimika berdearen inguruan.
- **Energia berriztagarriak:** energia-berrikuntza biomasaren, itsasoko energien eta abarren inguruan.
- **Itsasoko eta itsasertzeko baliabideak, aukerak eta iraunkortasuna:** arrantza, akuikultura, turismoa, itsas garraioa, energia berriztagarriak, itsas bioteknologia.

Poitou Charentes, Limousin eta Nafarroa Euroeskualdean sartzean eremu hori handitu egin da, eta horren ondorioz lehiakortasun-abantaila gehiago eta beste lehentasun estrategiko batzuk etorri dira.

Competitiv'eko proiektuaren esparruan, Euroeskualdea osatzen zuten esparru guztietako RIS3ak aztertu ziren, funtsezko eragileekin elkarriketak egitearekin batera. Horren ondorioz, mugaz gaindiko lehentasunezko esparru bateratu hauek zehaztu dira:

- Automobilgintza/Mugikortasun jasangarria
- Osasuna (InnoMed Consortium)
- Nekazaritzako elikagaiak (Agro-Food Digital)
- Fabrikazio gehigarria (Additive Valley)
- Haize-energia/Smart Grids /Biltegiratzea

2.2.2 ekintza Focus group iraunkor bat sortzea Euroeskualdeko I+G+B arloko eragileak bilduz

Lortu nahi den helburua da lantalde iraunkor bat sortzea. Lantalde horrek bultzatu eta monitorizatuko ditu berrikuntzaren arloan garatu beharreko lankidetza-ekintzak.

2.3. jardun-ildoak - Enpresen arteko lankidetzak sustatzea euroeskualde-eremuan, klusterren arteko mugaz gaindiko lankidetzak kontuan hartuta bereziki

Helburu orokorra

Hiru eskualdeetako enpresen arteko lankidetzak sustatu, zona horietako enpresen eta sektore ekonomikoen artean dauden osagarritasunak identifikatu eta horiek aprobetxatzea ahalbidetuz, bai tokiko merkatuei begira, bai nazioarteko merkatuetan sartzeari begira.



2.3.1 ekintza Euskarri-zerbitzua ematea Euroeskualdeko enpresa-lankidetzari

Ekintza honen helburua Euroeskualde-zerbitzua eratzea da, eta zerbitzu horren egitekoa Akitania Berriko, Euskadiko eta Nafarroako enpresen mugaz gaindiko lankidetzak bultzatu eta sustatzea izango da.

2.3.2 ekintza Klusterren arteko lankidetzak-estrategia sustatzea

Ekintza honen helburua da LLETa Euroeskualdeko lankidetzari denboran zehar ematen ari den bultzadarekin jarraitzea; lankidetzak hori hiru lurraldeetan dauden enpresa-klusterren artekoa da.

2.4. jardun-ildoak - Euroeskualdeko enplegu-arro bat garatzen laguntzea

Helburu orokorra

Jardun-ildo honen helburu nagusia da Euroeskualdeko enplegu-arro integratua eratzen laguntzea, Euroeskualdeko biztanle aktiboek gaur egun duten baino mugaz gaindiko mugikortasun handiagoa izan dezaten.



2.4.1 ekintza Mugaz gaindiko langileentzat eta langileei buruzko informazio-sistemak eta -gailuak abian jartzea

- Mugaz gaindiko langileei administrazio-, gizarte- eta zerga-arloko gaietan hobeto laguntzeko beharra. Alde batean eta bestean dauden arauen arteko desberdintasunak ez dira oztopo nagusia. Oztopo nagusia da arau horiek ez ezagutzea eta arau horiek sortzen dituzten zalantzak, askotan lan-arloan erabaki zailak (beste herrialde batera lanera joatea) hartu behar dituzten pertsonentzat edota mugaz gaindiko haien jardueran sor daitezkeen egoeretan.
- Akitania Berriko, Euskadiko eta Nafarroako administrazioentzat (zerga-arlokoa, soziala, lan-arlokoa, eta abar) prestakuntza-ikastaroak egiteko beharra, eta lankidetzaren egonkorra eta erraza garatu ahal izateko elkar ezagutzeko bilerak egiteko beharra.
- Mugaz gaindiko lan-merkatuari buruzko informazio estatistikoa eskuragarriago egoteko beharra, informazio homogeneoa bermatzeko; horri esker, Euroeskualdeko lan-merkatuaren egoerari buruzko azterketa konparatiboa eta jarraipena egin ahal izango dira.

2.4.2 ekintza Euroeskualdeko hiru enplegu-zerbitzu publikoek partekaturiko lan-eskaintza eta lan-eskaria sortzea

Hiru enplegu-zerbitzu publikoen arteko lankidetzaren indartzea eta egonkor egitea da helburua, harreman errazagoa lortzeko eta protokolo bat ezartzeko mugaz gaindiko lan-mugimenduetatik datozen arazoengatik inguruan.

2.4.3 ekintza Hiru eskualdeek partekatzen dituzten lanbide-heziketako eta laneratzeko politiketan sakontzea, mugaz gaindiko praktikak eta beste ekintza osagarri batzuk garatuz

Bereziki interesgarria da ikaskuntzaren eta Lanbide Heziketaren arloko koordinazioa hobetzea (Euroeskualdea osatzen duten hiru eskualdeek eskumen zabalak dituzte arlo horretan); izan ere, ikasleen trukeaz gain, sinergiak eta osagarritasunak bila daitezke zenbait espezialitatearen eskaintzan, koordinaturiko prestakuntza-curriculumak, eta abar.